

Mensahe 2

Ang Tiunayng Pagtubo sa Iglesia aron Organico Kining Modako

Basahong Kasulatan: Col. 2:19; 1:28; Efe. 4:13, 16; 1 Cor. 3:6-7; 12:12; Juan 3:29-30, 34; Efe. 4:13, 15-16

- I. Ang tiunayng pagtubo, ang organicong pagtubo, sa iglesia mao ang pagtubo diha sa diosnong kinabuhi, nga mao ang nahikay ug nagpaambit nga Tulo-usang Dios—Efe. 4:15-16; 3:16-17; 2 Cor. 13:14:
 - A. Nagtubo ang iglesia diha ning kinabuhia, tungod ning kinabuhia, uban ning kinabuhia, ug pinaagi ning kinabuhia; gipanganak ta sa diosnong kinabuhi, nga mao ang Dios mismo, ug gipatubo ta karon sa Dios—Juan 1:12-13; 1 Cor. 3:6.
 - B. Naghisgot ang Colosas 2:19 sa pagtubo sa Lawas, nga mao ang pagtubo sa Dios sa sulod nato:
 1. Ang pagtubo kana mang madugang si Cristo kanato—1 Cor. 3:6-7; Gal. 4:19.
 2. Ang pagtubo sa Lawas nag-agad sa mogula ni Cristo nga Ulo—Efe. 4:15-16:
 - a. Masangkapan ngani ang Lawas tungod sa pagpabilin niini sa Ulo, motubo ang Lawas sa pagtubo sa Dios—Col. 2:19.
 - b. Motubo ang Lawas gikan sa Ulo, kay naggikan man sa Ulo ang tanang sangkap—Efe. 4:15.
 3. Nag-agad ang pagtubo sa Lawas sa pagtubo sa Dios, sa pagkadugang sa Dios, sa pagdako sa Dios, sa sulod nato—Col. 2:19:
 - a. Wala magtubo ang Dios sa Iyang Kaugalingon kay kompleto ug hingpit man Siya; nagtubo Siya sa sulod nato.
 - b. Gipatubo ta sa Dios sa subjectibong paghatag Niya sa Iyang Kaugalingon kanato.
 - c. Labi nga madugang ang Dios kanato, labi sab ta Niyang patuboon; kini ang paagi sa pagpatubo sa Dios kanato—1 Cor. 3:6-7.
 - d. Ang Dios ray makapatubo; ang Dios ray makahatag sa Iyang Kaugalingon kanato, ug kon wala Siya, dili ta motubo—vv. 6-7.
 - (1) Ang pagkadugang sa Dios kanato mao ang pagpatubo Niya kanato.
 - (2) Ang pagpatubo sa Dios kanato sa pagkatinuod nagpasabot nga gihatag Niya ang Iyang Kaugalingon kanato—Rom. 8:11.
 - (3) Ang pagpatubo sa Dios kanato diha sa kinabuhi nagpasabot nga gipadako Niya ang Iyang Kaugalingon sa sulod nato.
 4. Unsa kadako ang pagtubo sa Dios sa sulod nato nag-agad kon unsa kadako ang luna nga gihatag nato Kaniya aron motubo Siya—Efe. 3:17; Col. 3:16:
 - a. Hatagan ngani natog luna ang Dios sa sulod nato, molapad ug modako Siya sa sulod nato; kining pagdako mao ang pagtubo Niya sa sulod nato.
 - b. Mahimong pagtubo nato ang pagtubo sa Dios sa sulod nato kay nausa man Siya ug kita—1 Cor. 6:17.
 5. Ang pagtubo sa iglesia nga Lawas ni Cristo mao ang pagtubo sa Dios diha sa iglesia—Col. 2:19.
 - C. Motubo ang iglesia hangtod mahamtong kini—**“sa sukod sa gidak-on sa kahupnganan ni Cristo”**—Efe. 4:13:
 1. Dunay kahupnganan si Cristo, dunay gidak-on ang kahupnganan, ug dunay sukod ang gidak-on.
 2. Kahupnganan, pagpadayag, ni Cristo ang Lawas Niya—1:23:
 - a. Hilabihan gyod kadako si Cristo, nga walay kinutobang Dios, nga tungod niana nagpuno Siya sa tanang butang diha sa tanang butang.

- b. Nagkinahanglan sa iglesia kining dako kaayong Cristo nga mahimong kahupnganan Niya aron hingpit Siyang mapadayag—vv. 22-23.
 - c. Tungod sa pagpahimulos nato sa kadato ni Cristo (3:8), mahimo tang kahupnganan Niya nga hingpit nga magpadayag Niya.
 - 3. Dunay gidak-on ang kahupnganan ni Cristo, nga mao ang Iyang Lawas; ang gidak-on sa kahupnganan ni Cristo mao ang gidak-on sa Lawas ni Cristo—4:13; 1:23.
 - 4. Dunay gidak-on ang kahupnganan ni Cristo, ug dunay sukod kining gidak-ona—4:13:
 - a. Kay nagtubo man ang gidak-on sa iglesia, ang Lawas ni Cristo, naghisgot si Pablo sa sukod niini; kining sukora mao ang hingkod nga tawo—v. 13.
 - b. Nagkahingkod ta nga tawo, sa sukod sa gidak-on sa kahupnganan ni Cristo:
 - (1) Dili kalabot sa tinagsang mga tawo ang pagkaanaay sukod sa gidak-on sa kahupnganan ni Cristo; may kalabotan kini sa hiniusang Lawas.
 - (2) Sa magtubo si Cristo sa sulod nato, inanay tang modangat sa sukod sa gidak-on sa kahupnganan ni Cristo.
 - (3) Mopadayon gyod ta hangtod modangat tang tanan sa sukod sa gidak-on sa kahupnganan ni Cristo; kini ang atong tumong, ug makugihon gyod tang mopadayon niini hangtod magdungan tang tanan og dangat niini—Fil. 3:12-14.
- II. Ang organicong pagtubo sa iglesia mao ang pagtubo ni Cristo diha sa oganicong Lawas Niya nga pangasaw-onon Niya—Juan 3:29-30:
- A. Ang kahupnganan ni Cristo mao ang Iyang Lawas, ug ang Lawas ni Cristo mao ang Iyang kapikas, Iyang pangasaw-onon—Efe. 4:12-13, 16; 5:25-27.
 - B. **“Siya nga naay pangasaw-onon maoy pamanhonon....Motubo gyod Siya”**—Juan 3:29-30:
 - 1. Ang pagtubo sa Juan 3:30 mao ang pangasaw-onon sa versiculo 29, ug hinimo ang pangasaw-onon sa tanang tawo nga gipanganak pag-usab.
 - 2. Dili lang nagpadangat sa diosnong kinabuhi nganha sa mga magtutuo ang pag-anak pag-usab, kondili naghimo sab nilang hiniusang pangasaw-onon nga pagtubo ni Cristo—vv. 3, 5-6, 29-30.
 - 3. Motubo si Cristo sa pag-anak Niya pag-usab sa tinubos nga mga makasasala, nga maghimo nilang pangasaw-on Niya—v. 29.
 - C. Gipadayag sa capitulo 3 sa Ebanghelyo ni Juan ang nagkadako nga Cristo, nga namulong sa mga pulong sa Dios ug walay kinutobang naghatag sa Espiritu—v. 34:
 - 1. Dunay modawat ngani sa Iyang mga pulong, mosunod ang Espiritu aron mahimong realidad sa gipamulong.
 - 2. Gipadako ni Cristo ang Iyang Kaugalingon sa pagpamulong Niya sa pulong sa Dios aron ipakaylap ang Dios sa paghatag Niya sa Espiritu sa Dios nga mahimong realidad sa gipamulong Niya aron ipaambit ang walay kataposang kinabuhi ngadto sa mga tawo, nga maghimo nilang mga anak sa Dios ug pagdako ni Cristo; kini si Cristo nga nahimong nagkadako nga Cristo—6:63; 3:30, 34.
 - D. Ang pagdako ni Cristo mao ang pagsanay ug pagdaghan Niya; ang gipanganak pag-usab nga bahin sa atong pagkatawo bahin man sa pagdako ni Cristo, sa pangasaw-on Niya—v. 6.
 - E. Ang pangasaw-onon nga pagdako ni Cristo mao si Cristo mismo kay ang Lawas ni Cristo—**“ang Cristo” (1 Cor. 12:12)**—mao man ang hiniusang Cristo, nga hinimo ni Cristo nga Ulo ug sa iglesia nga Lawas Niya uban sa tanang magtutuo nga mga bahin.